

– Fyrsti stálbáturinn frá Austur-Pýzkalandi

(Framhald af 1. síðu.)

Skipið fékk slæmt veður milli Noregs og Færeyja og telur áhöfnin það vera hið bezta sjóskip og líkaði í alla staði þrýðilega.

STUTT LÝSING Á SKIPINU.

Skipið er smíðað eftir teikningum og lýsingu Hjálmars R. Bárðsonar, skipaverkfræðings, og undir eftirliti skipaskoðunar ríkisins og hefur eftirlitsmaður með smíðinni ytra verið Stefán Jónsson, iðnfræðingur.

Aðalmál skipsins eru sem hér segir: Öll lengd 23,08 m. Lengd milli lóðlína 20,00 m. Breidd á bandi 5,6 m. Dýpt 2,78 m.

Áætlað er að stærð skipsins verði um 75 rúmlestir brúttó, en skipaskoðunin er nú að mæla það endanlega.

Skipið er smíðað úr SM skipasmíðastáli og eftir fyrimælum þýzka flokkunarfélagsins Germanischer Lloyds, fyrir útsjávar fiskiskip með styrkingu fyrir siglingu í ís. Skipið var hins vegar smíðað undir eftirliti skipaskoðunar ríkisins eins og fyrr segir.

280 HESTÖFL.

Íbúðir áhafnar eru í lúkar og káetu, en skipstjóraklefi er í brú.

Veglegar gafir til Bændaskólans á Hólum

Í tilefni af 75 ára afmæli Hóla-skóla sl. vor færðu margir nemendahópar og aðrir velunnarar skólanum stórgjafir.

Páll Zóphóníasson og kona hans, frú Guðrún Hannesdóttir, færðu skólanum málverk frá Axarfirði, svarfdælskir Hólamenn málverk frá Svarfaðardal, nemendur burtskráðir 1937 ákváðu að gefa vandaða slaghörpu og margar fleiri gjafir bærust skólanum.

Pá komu saman til fundar á hátíðinni, er haldin var á Hólum 14. júlí sl., Hólamenn þeir er þar voru staddir þennan dag og höfðu verið á Búnaðarskólanum undir skólastjórn Steingríms Steinþórs-sonar, búnaðarmálastjóra. Ákveðið var á fundi þessum að gefa skólanum málverk af þeim skólastjóraráhjónum, Steingrími og konu hans, frú Theódóru Sigurðardóttur.

Var Örlygi Sigurðssyni, listmálara, falið að vinna verkið, sem hann hefur nú senn lokið við, enda hugmyndin að listaverkin verði afhent skólanum við skólasetningu í haust.

Ef framkvæmdanefnd þessa máls hefur ekki tekizt að hafa samband við alla þá Hólamenn, er hér eiga hlut að máli, þá væri æskilegt að viðkomandi hefði tal af eða skrifaði einhverjum nefndarmanna, en þeir eru taldir: Guðstaf Sigvaldason, Haukur Jörundsson, Haukur Jósefsson, Sigsteinn Pálsson og Eðvald Malmquist.

Rafmagnshitun er í öllu skipinu, einnig er eldað við rafmagn. Aðalvél er 280 hestöfl af MWM gerð. Skipið er búið vökvá-, tog- og línuvindum. Dýptarmælir er af austur-þýzkri gerð, og hefur hann reynzt þrýðilega. Einnig er skipið búið radar auk annarra siglingatækja og firðtækja.

Fljúgandi listaverk

Svo sem kunnugt er taka 19 íslenzkir listamenn þátt í hinni miklu, samnorænu myndlistarsýningu, er opnuð verður í Gautaborg 12. n. m. Vegna þess þurfti að senda héðan til Gautaborgar um 78 listaverk, málverk, höggmyndir, vefnað, stein-, gler- og svartlist.

Hingað til hefur það verið hefðbundin venja að senda slíkar sýningardeildir landa í milli með skipum, en að þessu sinni ákváðu forráðamenn íslenzku deildarinnar að láta flytja alla sýningar-munina loftleiðis, þar sem það var talið miklu hagkvæmara.

Fyrsta sendingin fór héðan með flugvél Loftleiða 19. þ. m. til Gautaborgar og á miðvikudag hin síðasta með „Heklu“. Var það m. a. geysistört málverk eftir Gunnlaug Scheving (2x3 m.).

Tveir íslenzkir listamenn munu nú á förum héðan til þess að sjá um uppsetningu sýningarinnar og vera fulltrúar íslenzkra myndlistarmanna meðan hún verður opin.

Er óhollt að ganga á háum hælum?

Enskur læknir skrifar fyrir skömmu á þessa leið í tímarit læknafélagsins:

„Háu hælarnir gera gönguna unaðslegri fyrir viðkomandi konu, þeir styrkja fótstöðvana og þvinga þann, sem á þeim gengur, til þess að halda jafnvægi og vanda ganginn.

Auk þess eru þeir miklu fallægri en lágir. Hvílika ánægju höfum við karlar ekki haft af því að horfa á ökla og fótleggi, sem einkum nutu sín vegna háu hælanna.

Þar að auki myndi það ekki snúa kvenþjóðinni frá háum hælum til lágra, þó að allir heimsins læknar predikuðu gegn þeim. Og hví skyldum við þá vera að því?“

Við þetta má bæta, að kona mín, sem hafði fengið lömunarveiki og þjáðist mjög í baki undanfarin ár, fór til eins þekktasta sérfræðings í Danmörku í vetur, og hann bannaði henni að ganga á lágum hælum, vísaði henni á góða skó með hálfháum hælum, hverja hún skyldi kaupa dýrum dómum og ganga á æ síðan. Hún hlýddi læknum auðvitað og hefur síðan varla fundið til í bakinu.

Ö. S.

FIMMTUGUR: BJÖRGVIN JÓNSSON

Föstudaginn 13. þ. m. átti Björgvin Jónsson, málarameistari, Hlíðargötu 3 hér í bæ, fimmtugsafmæli. Björgvin er Eyfirðingur að ætt og uppruna, en hefur um mörg undanfarin ár átt heima á Akureyri og stundað þar iðn sína við ágætan orðstír. — Hann er mjög fjölhæfur á sviði verklegrar menntar og öll hans störf einkennast af vandvirkni og ríkum listasmekk.

Starfsmaður er Björgvin svo mikill, að þá mun ærin ástæða, ef honum fellur verk úr hendi og er vinnudagur hans oft langur. — Hann finnur heilbrigða lífsnautn í vel unnu verki og gildi tímans, sem allmargir virðast meta harla lítils, er honum gæfugull.

Björgvin Jónsson er samur á hátíðardögum sem í rúmhelginni, hljóðlátur og hlédrægur, en trúr og sannur hvar sem hann fer, og þá löngum öruggastur, þegar mest reynir á.

Heimili sínu ann hann af heilum hug og hefur lagt ríka stund á að faga það og þrýða eins og bezt má verða. Hefur hans ágæta eiginkona, frú Laufey Sigurðardóttir, verið honum samhent um það, sem allt er til heilla horfir. Hún hefur alla stund glætt eldinn á arni heimilisins með þeim hætti að ógjarnan gleymist þeim, er notið hafa og þeir eru margir, því að oft er gestkvæmt í Hlíðargötu 3 eins og eðlilegt er, því að ljúf er dvölin þar, sem list, ljós og hlýja vígja saman þætti sína.

Í tilefni af þessum merku tíma-mótum í ævi Björgvins Jónssonar óska vinir honum og fjölskyldu hans að hjart verði yfir brautinni ófögnu, um leið og þeir þakka geislana frá genginni tíð.

Heimilisvinur.

Heima er bezt,

Júlí—ágústhefti þessa góða tímarits er nýkomið út og flytur m. a. greinarnar :Hannes á Núpsstað eftir Helga Valtýsson, Fyrsta veiðiförin eftir Árna Árnason, Úr sumarferðalagi eftir Bergsvein Skúlason, Þætti úr Vesturveri o. fl. eftir ritstjóran, Frá Látrabjargi eftir Stefán Jónsson námsstjóra og margt fleira efni, auk ágættra mynda.

Akranes,

Apríl—júní hefti Akraness segir enn frá Siglufirði, og er það fróðleg og skemmtileg grein eftir ritstjóran, Ól. B. Björnsson. — Benedikt Gíslason frá Hofteigi skrifar um Þorgerði á Hraunfelli. Ritstjórinn skrifar um fröken Sigríði Helgason og Sigurður Jónsson frá Brún greinina Til fjalla og frá, síðari hluti, og verður ekki orða vant eða efnis. Þá er í ritinu Hversu Akranes byggðist o. m. fl. — Ritið er smekklegt að vanda og myndskreytt.

SPEGLAR í baðherbergi og eldhús

Gott úrval.



Járn og glervörudeild

SNJÓKEDJUR „CHAMPBELL“

750x20

825x20

900x20



Véla- og búsáaldadeild.

Örfáir hjólbarðar

600x16 (rifflað)

500x16



Véla- og búsáaldadeild

ÚR BÆ OG BYGGÐ

Fimmtugir verða í dag, 28. þ. m., bræðurnir Ásmundur og Jón G. Pálssynir, Lündgarði, Glerárþorpi.

Helgi Jónasson bóndi og grasafræðingur á Gvendarstöðum í Kinn varð sjötugur 26. þ. m. — Hann er borinn og barnfæddur að Gvendarstöðum, en þar hafa forfeður hans búið í nær 2 aldir. Kona Helga er Halldóra Jónsdóttir frá Fornastöðum í Fnjóskadal. Eiga þau 8 börn uppkomin, en Jónas, elsti sonurinn, er tekinn við búsför ráðum að mestu.

Gamla Saurbæjar-kirkjan

Gamla kirkjan að Saurbæ á Hvalfjarðarströnd hefur nú verið flutt í heilu lagi að Vindáshlíð í Kjós. En þar á hún að þjóna starfsemi Kristilegs félags ungra manna. En sem kunnugt er var ný kirkja vígð að Saurbæ í sum-ar og var þá hinni öldnu kirkju ofaukið á þeim stað.

Nokkuð hefur það tíðkast á síðustu tímum að hún eru flutt í heilu lagi. Það var þó ætlunin að taka kirkjuna eitthvað sundur. En við það var hætt og var kirkjan flutt í heilu lagi.

– Húsmæðraskólarnir

(Framhald af 4. síðu.)

arana til að gefa óspart af sjálfum sér. Nemendur þurfa að finna að kennarar njóta þess að veita. Og kennarar verða að vera gæddir skilningsgleði, sagði skólamaðurinn ennfremur, annars eiga þeir á hættu að nemendur fyllist ekki hinum sanna fögnuði yfir því að skilja og skynja samhengi hlutanna.

Hreinni með CMC

hvítari með ULTRA HVÍTU

Þvotturinn verður drifhvítur og endingin meiri en áður. —

Biðjið verzlun yðar um ÞVOTTADUFTIÐ PERLU

Perla

inniheldur ultra-hvítt og CMC

ÞÁPUVERKSMÍÐJAN SJÖFN, AKUREYRI